

兩江疏草

總督兩江西等處地方軍務兼理糧餉操江兵部尚書兼都察院右都御史臣董訥



戶集

題報蠲免錢糧謝恩

題爲

九重大沛

恩膏萬姓歡呼擊壤據情達

聽叩謝

天恩事據江蘇布政司布政使宋犖詳稱奉總督江

兩江疏草

卷之一 戶集

一

題報

兩江疏草 卷之一  
南江西董部院牌開康熙二十六年十二月十二日准戶部咨為欽奉

上諭專內開江南清吏司案呈康熙二十六年十一月二十六日奉

上諭諭戶部朕惟自古帝王統御萬方又安九有單心懷保節愛攸先期於物力充裕爰以振業黎元俾膏澤旁流咸蒙美利朕自御極以來軫恤民依力圖休養惟理財為裕國之大經蠲貸為愛民之實政歷年敦崇節儉嚴核浮冒蓋欲為布德行惠之資頻年以來各省錢糧雖已次第蠲免但江蘇

所屬各郡縣為財賦重地額徵錢糧甲於他省且累歲輸將供億效力維勤茲用大沛恩膏除漕項錢糧外所有康熙二十七年應徵地丁各項錢糧俱着蠲免二十六年未完錢糧亦悉與豁除又陝西省錢糧前雖已行蠲免但念該省人民用兵之際轉輸餽餉效力可念再宜加恩以弘樂利其康熙二十七年應徵地丁各項錢糧及二十六年未完錢糧亦着俱與蠲免爾部速行該地方官通行曉諭務使小民均沾實惠以副朕愛育蒼生至意如有不肖有司官吏借端朦混及私行重徵者該

督撫指名題叅從重治罪如該督撫徇隱不行糾  
舉或經叅奏或被告發定行一併從重治罪爾部  
卽遵諭行特諭欽此欽遵奉此到部相應行文該  
督撫卽行刊刷大張告示遍發各府州縣出示  
小民通行知悉仍將免過地丁起存各項錢糧  
造冊報部可也等因移咨到部院備行到司奉  
此隨經轉行江蘇松常鎮淮揚徐八府州屬欽  
遵去後今據江寧府詳爲仰邀曠世之奇恩願  
展士民之頂頌伏祈轉達以彰輿情事據上元  
江寧句容溧陽溧水高淳江浦六合等八縣紳

衿士民陳時泰江朝宗葛長祚王傑駱鳴騶孔  
翥王都張大志張祖實宰采王度何昇潘賞薛  
大壽孫翮楊陳吳漢陳策黃正乾經大綬李岳  
鄧琦周霞戴國標周植周孟粹李延祈朱綬王  
麗張春周士章齊慶雲謝王之何代陳匡太尚  
之雲徐彥偉張星垣吳芳馮遇孟等呈稱切惟  
自我

朝定鼎以來疊蒙

恩蠲至甲子

聖駕東巡目擊江南疾苦卽將經過處所二十四年

丁銀盡行豁免二十五年復蠲淮揚額賦至二十六年更將十三年以後加增各項稅銀以及各年官欠加徵銀米并二十年門稅未完盡行免徵今不惟二十六年現徵正供既豁而次年賦稅亦蒙蠲免真千古以來未遇之盛身等生民何幸恭逢此

聖主愛養元元之至意也荷蒙督撫部院備開恩詔頒示通知雖窮簷蔀屋白叟黃童無不歡呼震天居者慶於室行者歌於途農者謳於野人心感切非可以言語形容於萬一身等盡欲匍匐

### 神京叩謝

天恩惟思道路修阻莫能得達除各於公所執香望闕謝

恩外爲此公籲俯鑒輿情備採下意轉詳督撫部院特疏代陳庶萬姓惓惓感戴之私徑可

上達并可垂之國史昭美將來矣等情到府該卑府知府郭恆看得上江等八邑雖稱財賦之區邇因年來雨暘偶愆災青疊告幸蒙

皇上軫念民瘼破格蠲賑俾災疲黎庶賴以生全至康熙二十三年冬

聖駕東巡所歷地方盡將二十四年丁銀免徵今二十六年又蒙

恩赦十三年以後加增各稅以及節年宦欠加徵銀米并二十年未完門稅等項雖窮鄉僻壤小民亦無不頂戴

隆恩矣茲復蒙

恩綸廣沛不惟將二十六年現徵未完盡邀

赦免而二十七年地丁各項錢糧亦槩予豁除真曠世之殊典亘古罕覩者也職府接捧院臺頒示通曉隨遵張掛并照書遍貼城鄉市鎮卽深山

窮谷愚氓莫不舉手加額何幸躬逢盛世享此無窮

特典但見父老童稚閭閻仰頌田野謳歌歡聲震天有不可以形容者職府叨爲民牧據呈前情豈敢隱默理合據實詳報仰祈卽賜轉請特疏題報以達輿情庶萬性感慶之私得以

上陳而

皇仁與院德永祝無疆當與三山二水並垂不朽矣等情又據蘇州府詳爲千百年難逢曠典億萬姓今荷重生草莽下情叩達

上聽恭謝

殊恩事據太倉長洲吳縣吳江常熟崑山嘉定崇明  
八州縣紳衿士庶曾金吉王時憲張嘉麟張孝  
楊朱之敦沈三接朱賓王葉方懋黃日省朱篆  
張增黃謹周邦等呈稱切惟吉等生長東南僻  
處海濱荷蒙

皇上聖德如天

睿慮已周於蔀屋

王言似綍

宸衷眷顧乎茅簷從前之蠲停優渥今日之

特免倍隆蘇松等屬二十六年之未完地丁二十七  
年之地丁等項錢糧槩奉

赦免大小臣工均沾浩蕩

綸音甫下黃童白叟咸興鼓腹之歌窮谷海陬盡喜  
倉箱之慶千載以下百世以上誠曠古之  
殊恩難逢之盛典吉等盥誦

玉音歡聲雷沸雖經公備香亭泥首呼

嵩望

闕謝

恩但膺此異數蟻情莫達用敢連袂公籲立賜通詳

代

題以達民情功隆奕世等情到府據此該卑府知府胡世威看得蘇屬爲財賦之區曩因轉輸孔急民力幾匱荷蒙

皇上痼瘼念切軫恤民生蠲丁賦免舊逋

赦書屢下斯民咸荷重生今又大沛

恩膏二十六年未完旣行蠲免二十七年現徵悉與豁除是

九重如天之仁深入萬民之隱輿情震動咸興鼓腹之歌萬井歡騰俱爲額手之慶草野下情不能

上達卑府用敢據實轉詳仰祈詳題叩謝以彰感戴之私等情又據松江府詳爲

聖德如天輿情莫報華封效祝以頌無疆事據華亭婁縣上海青浦四縣紳衿士庶沈宗叙顧昌祚陳琰艾汝成張世繩錢張煥黃廷寵鄭又元朱以旻吳鳳翔徐文屈星等呈稱江南爲財賦之區向因師旅振興兵餉殷繁輸將恐後以佐公家今蒙

皇上軫念殘黎將二十六年未完逋賦及二十七年地丁等項錢糧盡行蠲免萬井歡騰閭閻喜溢

爲此環叩公庭望

闕呼嵩答謝謹將輿情上呈等情到府據此該甲府知府朱雯看得江南財賦名甲天下今恭逢

上諭二十六年未完錢糧并二十七年應徵錢糧槩與蠲免誠千載未逢之

曠典甲府忝司民牧爲羣黎額手稱慶窮簷蔀屋觀此

綸音歡頌之聲徹於閭巷熙皞同風若樂唐虞盛世茲據華婁上青四縣詳據闔邑士民呈請題達仰謝

天恩以展輿情之萬一伏祈俯賜轉請特疏

題報等情又據常州府詳爲欽奉

上諭事據武無江宜靖五縣詳稱江南一省蒙

皇恩浩蕩蠲賑頻頒方喜昔日災黎漸有起色今欽奉

聖恩特將二十六年地丁未完并二十七年應徵地

丁等項錢糧槩行蠲免院示下頒莫不歡騰踴

躍隨據闔屬紳衿岳鰲圖陶自悅吳瑋薛景瑄

張龍瑞趙燦英錢王廷呂鏡高爾揆程琦張松

齡林長裕徐永宣張國書等呈詞內開爲浩蕩



聖恩難再隆施千載奇逢叩懇據情轉達公謝

恩綸事切惟蠲停舊欠

恩綍屢邀豁免新糧

九重奇邁身等幸獲太平犬馬常歌

聖德無疆復沾格外

恩施感切

皇上熙皞真堯天舜日千載難期之會也伏乞俯賜

具詳各院特疏稱謝以慰民情等情到縣彙詳

到府據此該卑府知府祖進朝查得康熙二十

六年未完地丁錢糧正在勸輸裕餉間忽奉院

示下頒於康熙二十六年十一月二十六日欽

奉

上諭將二十六年未完地丁并二十七年應徵地丁

等項錢糧盡行蠲免闔屬官民捧讀之際靡不

咸稱

皇恩亙古之未施而逢之於今日也感激盈城紳衿

士民歡呼載道據情上達彙詳前來理合轉請

具詳題達恭謝

大恩并慰民望等情又據鎮江府詳為

聖澤普頒兆民頂沐事據闔郡士民吳穀李虎文楊

蠲免

學溥史逸堂馮昕劉觀賀鑒王植李瑀孫生賢  
張弘覽徐元弼等呈稱切國以民爲本民以食  
爲先自我

朝定鼎萬國來依

聖君治世四野弦歌誠堯舜之後又逢

聖主茲徒陽壇三邑節年地丁錢糧屢蒙

赦緩二十四年丁銀又荷

恩蠲民聊生色今特奉

上諭將二十六年未完地丁并二十七年錢糧一槩  
豁免正我斯民鼓舞歡呼共樂堯天之政江南

兆姓均沾雨露之恩但僻地臣民無由上達惟  
日焚頂叩祝

聖恩於萬一也伏乞轉詳具題永垂不朽等情到府  
據此該卑府知府王燕看得鎮屬濱江僻處蒙  
皇上如天之仁軫念民瘼疊奉

恩蠲今二十六年未完地丁錢糧并二十七年地丁  
各項錢糧盡行蠲免真亙古未有之殊恩唐虞  
以下罕覩之

盛世閭閻歡呼謳歌遍野爭先呈頌前來理合據  
情詳報轉請題達等情又據淮安府詳爲

皇仁浩蕩萬姓歡呼籲賜請題以謝

天恩事據海州邳州山陽宿遷睢寧贛榆沐陽安東  
鹽城清河桃源等十一州縣詳據闔屬紳衿士  
民王兆熊李時晉黃圖泰陶世平尙玉儀朱志  
夔查起文蔣芬劉賢王惠等呈稱切惟淮屬地  
方向稱凋敝幸蒙我

皇上視民如傷蠲賑之

恩屢下博濟之政並施邇年以來淮民漸有起色今  
再蒙

特恩盡蠲二十七年各項錢糧并豁除二十六年未

完亙古鮮有之

曠典歷代罕觀之

殊恩

聖恩罔極仰報無由惟有頌祝

聖壽於無疆也等情到府該卑府知府單務孜看得

淮屬地方災荒叠見幸蒙

皇上恩詔頻頒蒼生旣已共慶今復蒙

上諭准蠲二十七年全歲各項錢糧并豁二十六年

未完錢糧此從來未有之殊恩起瘡痍而登衽  
席城市鄉鎮歌謠載道頌祝

聖君童叟皆然相應據情詳報伏候轉請具題等情  
又據揚州府詳爲

皇仁屢頒萬姓歡呼懇賜詳題以謝

天恩事據高郵泰州通州江都儀真泰興興化如臯  
寶應等九州縣詳據闔屬紳衿士庶張瑾蔣耀  
程文正王昌祚崔揚王道正蔣成禎馬文琳張  
桂枝宋昌王文獻宮鴻營姚存仁袁瑞孫貴韓  
正等呈稱揚屆地方頻年以來蒙

皇上饑溺爲懷軫念民瘼前

聖駕東巡鑿輿所歷蠲丁蠲糧地丁漕項分年帶徵

在江南萬姓屢受

殊恩無以仰報復蒙

上諭江蘇所屬各郡縣爲財賦重地額徵錢糧甲於  
他省且累歲輸將供億効力維勤茲用大沛

恩膏二十七年錢糧及二十六年未完錢糧悉與豁

除仰見我

皇上德配唐虞澤侔天地功成治定政治恩疏猶

宵旰勤勞念切民瘼此誠曠世未有之盛典歷代鮮

覩之宏模也萬姓歡呼無以仰報

天恩惟頂祝

聖壽於無疆也等情到府據此該卑府知府高承爵查得揚屬地方向稱災疲幸荷

皇仁浩蕩疊沛

恩膏先蠲丁糧繼緩舊欠所遺災黎皆

朝廷再生之餘喘茲又蒙

上諭康熙二十七年應徵地丁各項錢糧俱着蠲免

二十六年未完錢糧亦悉與豁除此又格外

殊恩誠千載難逢之

曠典曉諭之後九屬士庶無不舉手加額歡騰巖谷其踴躍相慶連袂環呼之狀誠出萬民愛戴之

忱茲據士民籲請轉達前來卑府謹據實詳報

伏乞代

題等情又據徐州詳爲

皇恩普遍億兆均沾公籲詳題以頌

聖治事據豐沛蕭碭四縣詳據闔屬紳衿士庶鄒鳧

朱輪郝灝邵得中戚世泰左國瑄左國璋王年

張度姚玉等呈稱切惟徐屬地方當南北要衝

荷蒙

皇恩浩蕩屢賜矜恤蠲漕免丁帶徵積欠今又渙發德音大沛

恩膏將二十六年未完并二十七年應徵地丁各項  
錢糧盡行蠲免窮簷蔀屋黃童白叟靡不歡歌  
載道焚香頂頌爲此合詞公籲具

題以伸草莽恭謝之私以彰

聖治無疆之祝等情到州據此該卑州知州遲焞看  
得徐屬向因水旱頻仍蒙

皇上屢賜蠲豁今又

聖恩特降將二十六年之未完及二十七年應徵地  
丁各項錢糧悉與蠲免此真德過唐虞千載奇  
逢職等欣逢

聖人之世遇不次之

恩據紳衿合詞呈請前來相應詳請轉詳具

題稱謝各等情到司據此該本司看得江南一省

財賦甲於天下向因轉輸恐後民力維艱遇

皇上念切民依恩隆

高厚自康熙二十年十二月內

恩詔特頒將康熙十七年以前未完悉行蠲免民困

頓甦迨

聖駕南巡問民疾苦經過州縣

恩准蠲丁至康熙二十六年五月間

絲綸復渙更將各項加增雜稅盡行蠲免民力更加  
舒矣黃童白叟羣沾膏澤靡不頌

帝德之高深坐賈行商咸沐

恩施且共戴

皇恩之浩蕩乃萬姓之歡呼未已而

一人之惠愷有加將二十六年之未完奉

恩赦免二十七年之全額悉荷蠲除

綸音廣沛

帝德弘昭蔀屋膏流僻壤感動本司喜同父老感共  
高深謹彙民詞合陳憲案伏乞特疏題報等因到臣

據此該臣看得江南江蘇等八府州屬錢糧甲  
於天下邇年以來荷蒙

皇恩蠲賑屢頒凡屬編氓久已交相慶幸共戴  
殊恩今復蒙

皇上念及江蘇所屬各郡縣累歲輸將供億維勤乃  
大沛

恩膏將康熙二十七年應徵地丁各項錢糧并二十  
六年未完錢糧槩行蠲免此誠曠代

隆恩卽堯舜禹湯之世亦不能多邁者也臣捧接  
上諭仰見我

皇上惠愛蒼生有加無已隨卽欽遵多張告示遍發  
各州縣通行曉諭并嚴禁地方官不得借端朦  
混私行重徵俾窮鄉僻壤莫不家諭戶曉均沾  
實惠以副

皇上懷保元元之至意自蠲免之示甫頒而江寧省  
城紳衿士庶舉皆叩首焚香歡聲動地咸赴臣  
衙門籲請代

題以謝

天恩隨又據江蘇布政司布政使宋犖呈詳各屬具  
報相同伏念我

皇上視民如傷

恩綸屢敷於蔀屋而萬性感

恩思報謳歌永祝夫萬年民力旣舒瘡痍復起

衢謠擊壤之風立見於今日矣臣躬逢

盛世日覩熙皞所有各屬頂戴輿情不敢壅於

上聞臣謹會同江寧撫臣田雯合詞題

報伏乞

皇上睿鑒施行



奏銷康熙二十五年分徐倉錢糧

奏爲全河已歸故道等事案於康熙二十三年四月初六日准總河督臣靳輔咨開康熙二十三年三月二十五日准戶部咨開雲南清吏司案呈奉本部送戶科抄出該本部覆總河靳輔題前事等因康熙二十三年正月十三日題本月二十八日奉

旨該部議奏欽此欽遵於二月十五日工部將原抄咨送到部該臣等查得總河靳輔疏稱徐州倉務繁雜必須親駐彼地查比徵收而該道專管

黃運兩河延袤八百餘里有險工二十餘處顧河道不能兼顧倉糧顧倉糧必有悞河道其新增銀三千兩該道力任解足卽有不敷自甘賠補應將徐州倉糧仍交徐州就近徵比等因前來查先經總河靳輔疏稱准徐道額徵宿遷關稅銀一萬一百兩部議增銀三千兩倉務陸稅一併歸於該道等因臣部照所題歸於該道徵收在案今總河旣稱准徐道專管黃運兩河河道關係重大顧倉糧必有悞河道其新增稅銀三千兩該道力任解足等語應將徐州倉糧仍

交徐州知州徵收可也康熙二十三年三月初四日題本月初六日奉

旨依議欽此抄部送司奉此相應移咨查照等因移咨前來當經前督臣于成龍轉行徐州遵照在案今照康熙二十五年分徐倉收放本折糧銀例應奏

報先據該州造冊詳報因冊數舛訛又經駁查茲據管理徐州倉徐州知州遲煇詳稱該卑州遵蒙院批查將各冊逐一細加磨核覆查得康熙二十五年分徐倉督催過本倉所屬徐蕭沛碭豐

五州縣原額除荒實徵撥補并新陞折色銀二萬五百六十六兩三錢六分七釐六絲七忽三微七纖六沙二塵五渺一埃二遂九巡廣運倉實徵并新陞本色正耗小麥七千七百九十一石三斗五升九勺二抄五撮五圭六粟六粒五顆八黍五稷六禾六糠又徐併衛實徵本色正耗麥豆一萬九百九十石五斗四升一抄八圭三粟二粒九顆九黍二稷九糠九粃一禾內除奉文抵兌該衛徐州幫出運船六十隻各丁應領月糧一半本色正耗麥豆二千八百八十石

不徵外實徵并扣減河南幫停運月糧正耗麥豆八千一百一十石五斗四升一抄八圭三粟二粒九顆九黍二稷九糠九粃一禾內署印豐縣知縣李振任內自康熙二十五年四月二十二日署事起至十二月初九日止督催過折色銀七千六百四十七兩六錢八分八釐四絲七忽五微二纖三沙八塵一渺七漠八埃七遂三巡廣運倉本色正耗小麥一千九百八十二石二斗六升八合五勺五撮九圭又催抵完徐併衛本色正耗麥豆三千五百五十八石六斗二

升五合八勺知州遲焞任內自康熙二十五年十二月初十日到任起至月終止接催過折色銀二千四百七十七兩九錢三分六釐一毫五忽六微八纖七沙三塵四渺五漠六埃二逡五巡廣運倉正耗小麥二千二百二十九石四斗三升三合二勺七撮八圭又徐併衛催抵完本色正耗麥豆五千六百二十一石九斗四合一勺三抄一撮二圭四顆未完折色銀一萬四百四十兩七錢四分二釐九毫一絲四忽一微六纖五沙八渺六漠六埃三逡一巡廣運倉本色

正耗小麥三千五百七十九石六斗四升九合二勺一抄一撮八圭六粟六粒五顆八黍五稷六禾六糠徐併衛本色正耗麥豆一千八百一十石一升七抄九撮六圭三粟二粒五顆九黍二稷九糠九粃一禾又本倉收放廣永本折糧銀舊管康熙二十四年十二月終止存倉本色正耗小麥黑豆一萬二千一百八十五石五斗八升五合九勺二抄九撮一圭九粟三粒六顆一黍四微四禾八糠三粃折色銀五十二兩九錢二分六毫二絲八忽九纖九沙五塵二漠九

埃九遂七巡陞任知州臧興祖任內自康熙二十五年正月初一日起至四月二十一日止收過折色銀四千八百四十一兩七錢六分一釐四毫五忽五微三纖八沙七塵八渺五漠一埃九巡放過本色正耗小麥一千四百七十六石折色銀九百二十二兩六錢二分九釐二毫五絲七忽存剩貯倉本色正耗麥豆一萬七百九十石五斗八升五合九勺二抄九撮一圭九粟三粒六顆一黍四稷四禾八糠三粃折色銀三千九百七十二兩五分二釐七毫七絲六忽六微

三纖八沙二塵八渺八漠一埃六巡交與署印豐縣知縣李振接管該縣自康熙二十五年四月二十二日連閏起至十二月初九日止接催過廣運倉本色及徐併衛本色正耗小麥共二千七百六石四斗九升四合四勺六抄五撮九圭折色銀七千七百七兩九錢八分六釐四絲七忽五微二纖四沙八塵一渺七漠八埃七遂三巡放過本色正耗小麥七百八十二石六斗折色銀七千五百一十九兩二分四釐七毫七絲六忽六微三纖八沙二塵八渺八漠一埃六

巡知州遲熇任內自康熙二十五年十二月初  
十日到任起至月終止接催過廣運倉本色并  
徐併衛正耗小麥黑豆共七千九百五十四石  
三斗三升七合三勺三抄九撮四顆折色銀二  
千九百六十五兩八錢五釐九毫八絲九忽七  
微三沙九塵一渺六漠九埃六遂五巡放過本  
色正耗麥豆一萬一千四百一石一合三勺四  
抄八撮四圭五粟二粒五顆九黍四稷三禾六  
糠五粃折色銀六千四百一十兩一分八釐八  
毫九忽六微以上共收過本色正耗小麥黑豆

一萬六百六十石八斗三升一合八勺四撮九  
圭四顆折色銀一萬六百七十三兩七錢九分  
二釐三絲七忽二微二纖八沙七塵三渺四漠  
八埃三遂八巡共放過本色正耗麥豆一萬二  
千一百八十三石六斗一合三勺四抄八撮四  
圭五粟二粒五顆九黍四稷三禾六糠五粃折  
色銀一萬三千九百二十九兩四分三釐五毫  
八絲六忽二微三纖八沙二塵八渺八漠一埃  
六巡見存倉庫本色正耗小麥黑豆九千一百  
八十六石八斗一升六合三勺八抄五撮六圭

四粟一粒四顆二黍一禾一糠八粃折色銀七百一十六兩八錢一釐二毫二絲七忽六微二纖八沙七塵三渺四漠八埃三遂八巡查照往例備造收放督催經徵及舊欠本折糧銀數目各冊逐一磨算明確與同批領卷宗詳送請祈循例咨題

報銷等因到臣據此該臣看得徐州倉收放一應本折糧銀例應年終奏

報今據管理徐州倉知州遲焞詳稱遵將康熙二十五年分所屬州縣實徵折色銀二萬五百六十

六兩三錢六分零廣運倉實徵本色正耗小麥七千七百九十一石三斗五升零又徐併衛實徵正耗麥豆一萬九百九十石五斗四升零內除該衛徐州幫出運各丁應領月糧麥豆二千八百八十石抵兌不徵外實徵并扣減河南幫停運月糧正耗麥豆八千一百一十石五斗四升零內署印豐縣知縣李振任內催完折色銀七千六百四十七兩六錢八分零小麥一千九百八十二石二斗六升零又催抵完徐併衛麥豆三千五百五十八石六斗二升零知州遲焞

任內催完折色銀二千四百七十七兩九錢三分零小麥二千二百二十九石四斗三升零又催完徐併衛麥豆五千六百二十一石九斗零未完銀一萬四百四十兩七錢四分零小麥三千五百七十九石六斗四升零又徐併衛麥豆一千八百一十石一升零又本倉收放糧銀舊管康熙二十四年十二月終止存倉本色麥豆一萬二千一百八十五石五斗八升零折色銀五十二兩九錢二分零陞任知州臧興祖自康熙二十五年正月初一日起至四月二十一日

止收過折色銀四千八百四十一兩七錢六分零放過本色小麥一千四百七十六石折色銀九百二十二兩六錢二分零署印豐縣知縣李振自康熙二十五年四月二十二日署事起至本年十二月初九日止收過本色小麥二千七百六石四斗九升零折色銀七千七百七兩九錢八分零放過本色小麥七百八十二石六斗折色銀七千五百一十九兩二分零知州遲煊自康熙二十五年十二月初十日起至月終止收過本色麥豆七千九百五十四石三斗三升



零折色銀二千九百六十五兩八錢零放過本色麥豆一萬一千四百一石零折色銀六千四百一十兩一分零見存倉庫本色麥豆九千一百八十六石八斗一升零折色銀七百一十六兩八錢零備造收放督催徑徵本折糧銀數目各冊詳送前來經臣逐一覆核明白除清冊卷宗咨送部科查核外臣謹會同總漕督臣慕天顏江寧撫臣田雯合詞具

奏并遵例恭繕黃冊

進呈

御覽伏乞

皇上睿鑒勅部核覆施行

題折兵米價值

題爲酌撥康熙二十六年兵餉事據安徽布政司  
布政使柯永昇詳稱案奉前任總督王部院陞  
任安撫薛都院牌開准戶部咨開戶科抄出該  
本部題前事內開查得康熙二十六年直隸各  
省駐防滿漢并各鎮營官兵馬匹歲需俸餉米  
糧草料等項當及時派撥以濟軍需臣等會集  
各司各官公同將現在銀兩撥給直隸各省各  
一月其二十六年應撥兵協二餉撥給地丁雜  
項并該省鎮營本年截曠小建等銀湊足十分

折給

共撥銀一千三百四十二萬七千一百六十二兩九錢七分一釐零至撥過二十六年兵協二餉定限四月內完一半九月內完一半務要將錢糧隨收隨解無悞軍需如起解遲延於部撥錢糧之外擅行動用別項錢糧將動用官員並該督撫一并照例議處所有撥過各省錢糧數目開列於後江寧省城實在駐防滿洲官兵并綠旗官兵俸餉馬匹草料等項據安徽巡撫薛柱斗冊報一年歲需銀五十萬二千八百七十四兩八錢零米一十九萬三千二百二十四石

六斗豆二萬三千二百三十六石合撥本省康熙二十五年地丁銀三萬九千八百一十兩九錢二分八釐二十六年地丁銀四十三萬七千九百二十兩二錢八釐以上共撥銀四十七萬七千七百三十一兩一錢三分零尚未撥銀二萬五千一百四十三兩七錢四分零應於本年截曠小建銀內支給本色米石應於南米屯米內支給豆應於所屬額徵豆內支給其應折給米豆草束應俟該撫照時價題准之日於所撥銀內折給江南省實在京口駐防官兵并實在

綠旗官兵俸餉馬匹草料等項據江寧巡撫趙士麟冊報歲需銀七十六萬三千九百四十五兩四分零米一十七萬九千四百三十一石八斗零合撥本省康熙二十五年地丁銀六萬四百七十九兩一分二十六年地丁銀六十六萬五千二百六十八兩七錢七分八釐以上共撥銀七十二萬五千七百四十七兩七錢八分零尚未撥銀三萬八千一百九十七兩二錢七分應於本年截曠小建銀內支給本色米石應於南米屯米內支給折給米豆草束應行該撫照

時價題准之日於所撥銀內折給等因康熙二十五年十二月十五日題本月十八日奉

旨依議欽此欽遵抄部送司爲此合咨查照施行等因到部院備行到司奉此除餉銀遵照部撥欸項數目支給外該本使司查得江寧省城駐防滿漢各旗營并總督部院衙門筆帖式織造關差等項官兵康熙二十六年應需糧料內省城駐防滿漢各旗營應支本色米豆係西新倉司經管將所收各屬額徵倉米豆儘放無餘扣明放至某月日止移文本司接放折價以足一

歲應支之數其應支草束係本司衙門折給各  
循定例報銷今查本年不敷米豆草束折價部  
覆奉

旨應俟該撫照時值

題准之日於所撥銀兩內折給等因本司備查江  
寧省城田少人稠米豆草束全賴四方客商人  
等遠購販賣從來市價不能過賤如目前市價  
白米每石一兩一錢不等倉米每石九錢不等  
豆每石七錢四五分不等草每束八九釐不等  
今若照時請增但市價隨時消長不一未便將

此日之時價遂定後來之市值本司從中確議  
查康熙二十三、四、五、三、年分

題明允銷之價白米每石八錢五分倉米每石七  
錢五分豆每石七錢草每束七釐折給在案今  
康熙二十六年不敷價值似應仍照上年折給  
雖比時價有虧然三年以來係內部核定之例  
諒各旗營官兵亦無異議矣相應詳請院臺俯  
賜會疏

題明以便屆期折給并移江寧倉司知照再查上  
江廬六壽毫泗五營應支不敷米折上年係照

省城之價折給今歲亦應照依省城之價折給無庸另議至於下江各營移明江司議詳外合併呈明等因又據江蘇布政司布政使劉鼎詳稱案奉前任總督王部院陞任江撫趙都院牌行前事到司奉此該本使司查得下江各標營康熙二十六年歲支米豆草束除本色外其應支一半折色糧料案經本司循照上年詳

題定價白米每石八錢五分倉米每石七錢五分豆每石七錢草每束七釐造入經制冊內估計報部奉准部覆應照時價題准之日折給等因

誠以各省時市價值低昂不一未可拘依定價故有是議是誠軫恤兵民之至意也本司遵奉院行隨即飛移所轄各標營屬將各地時值從公估報去後催據各該營屬陸續估報到司內查米折一項止有漕狼等營應行支給接准狼山中左右三營移稱米價增長不一上年秋收稻穀不登今歲又值亢暘不雨通州米價糙米每石時價八錢五分擬合移請轉詳照時折給等因又准揚州營移稱揚郡非產米之地米價早晚貴賤不同今時價極平每石尚需一兩一

錢擬合移覆等因又准泰州營移稱遵照院行  
隨經傳集米行經紀面詢米價見今價值每石  
價銀八錢五分相應移覆又據泰興營守備王  
國聘回稱查得泰興縣所屬地方米價比省城  
米價相懸今實米時價每石九錢五分卑職不  
敢擅定恩典出自司裁酌奪畫一遵行等情又  
據掘港營守備滿見龍呈稱查得掘港營駐劄  
如臯縣日需食米俱靠外來與販糙米每石時  
價一兩一錢比照出產地地方實多今蒙行查理  
合呈覆等情又准漕標中營移稱淮屬非產米

之地難與省倉可比現今時值每石一兩一錢  
懇詳照時折給相應咨覆等因又准漕標右營  
移稱二十六年米折現奉部文照時折給但淮  
非產地淮屬米價現值一兩一錢懇詳照時折  
給相應移覆等因又准漕標宿遷後營移稱本  
營汛屬並非產米之地且連年水旱頻仍米價  
難以概論今時價每石一兩一錢相應移覆等  
因又准廟灣營移稱廟灣逼臨邊海斥鹵之地  
並非產米之所凡民間食用俱係客商從南販  
來貿易現今本地時價每石一兩二錢難與江

南一例可比擬合移覆等因又准海州營移稱本營汎處海濱禾苗不長食用糧米俱賴遠方搬運現在米價每石一兩一錢相應移覆等因又准鹽城營移稱本營僻居邊海頻遭水旱米價見今一兩五分時高時下難以一定仰照今春時價

題請相應移覆等因又准徐州營移稱徐地非產米之所其價與出產地方不同現今市價每石一兩一錢今蒙行查請照本地市價詳估折給等因又據東海營守備譚棟呈稱查得本營兵

丁食用米糧皆取資於鄰封米之價值總由歲之豐歉每米一石見今實價一兩理合回報等情又據蕭營守備王遵典呈稱本地時值每米一石價銀一兩一錢擬合回報各等情到司又豆草一項止有京口江提以及蘇州水師三標應支內查京口一標據鎮江府祥稱二十六年時價豆每石八錢三分草每束一分一釐合請具

題支給等因其江南提標倣照時市豆每石八錢五分草每束一分一釐八毫蘇州水師倣照時



市豆價每石九錢草價每束九釐等因回覆前來本司覆查京松兩標以及蘇州水師鎮標暨漕狼各營經制官兵應支康熙二十六年米豆草價各地市值原有低昂不一蓋緣均非出產之區以致較與省城定價迥異若遵內部照時之議似應仰遵開報但事關糧餉通省例應畫一今各營屬所開時價既係紛紜不齊且比照上年

題定價值又屬高昂過甚誠恐一旦照時請增未必能邀部允似不若仍照上年詳

題之價白米每石八錢五分倉米每石七錢五分  
豆每石七錢草每束七釐一例

題請折給官兵自行採買年終造冊報銷各等因到臣據此該臣看得江南駐防滿漢官兵并織造各關差等康熙二十六年分應需糧米豆草除上下兩江各州縣額徵本色米豆儘收儘放外其餘不敷米豆草束前准部咨應照時價題准之日於所撥銀內折給等因當經前督臣王新命備行安江二布政司遵照臣莅任以來又經檄催各該司照時估報去後今據安徽布政

使柯永昇江蘇布政使劉鼎各詳覆前來臣查江寧目今白米每石一兩一錢不等倉米每石九錢不等豆每石七錢四五分不等草每束八九釐不等京口松崇各標暨漕狼各營地方市值原有低昂不一若照時請增較從前價值未免浮多查康熙二十三、四、五三年不敷糧料白米每石折銀八錢五分倉米每石折銀七錢五分豆每石折銀七錢草每束折銀七釐先經前督臣王新命

題准部覆遵行在案今二十六年分不敷米豆草

束似應循照此價一例折給者也臣謹會同安徽撫臣楊素蘊江寧撫臣田雯合詞具

題伏乞

皇上睿鑒勅部議覆施行

題叅虧空江蘇司庫錢糧

題爲錢糧交代有限司庫虧空甚多臣謹據詳題  
報仰祈

睿鑒事康熙二十七年二月十一日據江蘇布政司  
布政使宋犖詳稱竊照本司叨沐

皇恩簡授茲職念錢糧重大時切冰兢於二十六年  
十二月二十二日到任後據本司銀庫等房書  
役稟投已故劉前司任內各項錢糧四柱等項  
交代白冊並收放紅簿批領卷宗本司逐一細  
加磨核查得已故劉前司任內冊造自康熙二

十五年九月初三日起至康熙二十六年九月十九日止舊管接陞任章前司交存庫銀一百一十四萬九千三百七兩八錢五分四釐七毫二絲一忽六纖八沙六塵三渺八漠四埃一遂二巡二須九更六清又交存庫銀三毫四絲三忽一沙六渺九漠六埃一遂六巡九須七更一清又交存薛肇元逆本銀二十五兩通共交存庫銀一百一十四萬九千三百三十二兩八錢五分五釐六絲四忽六纖九沙七塵八漠二遂九巡二須六更七清新收銀錢二百九十四萬

七千一百五十七兩六錢六分四釐七毫八絲九忽五微四渺四漠四埃九遂九巡五須五更二清二欸共收銀四百九萬六千四百九十兩五錢一分九釐八毫五絲三忽五微六纖九沙七塵五渺二漠五埃二遂八巡八須一更九清內開除解放過銀三百一十九萬六百四十四兩二錢九分一釐七毫八絲八忽一纖九沙二塵九渺九漠七埃六遂二巡七更四清外實在應存庫銀九十萬五千八百四十六兩二錢二分八釐六絲五忽五微五纖四塵五渺二漠七

四江直隸 卷之一  
司庫  
埃六逡六巡七須四史五清乃查署司移送交代冊內舊管項下止開實收劉前司存庫銀五十三萬九千七百九十一兩六錢一分虧空銀三十六萬六千五十四兩六錢一分八釐六絲五忽五微五纖四塵五渺二漠七埃六逡六巡七須四史五清竟無着落又前項開除欸內那移墊放項下除墊放本省各營兵餉銀兩已於署司任內催完歸補還項外實墊放銀二千二百九十二兩四錢四分六釐五毫並未歸補起解切思錢糧絲毫爲重豈可將

朝廷數十萬帑金盡歸烏有因奉憲催嚴切不敢有違定限除將經手經承現在究詢使那實情造具缺欸冊呈送並將歸欸細冊逐一確查此外有無虧空同署司交代冊查明另行詳報外合先據實報明伏祈憲臺俯念庫額虧空甚多交盤例限嚴迫亟賜鑒裁具

題并將劉前司家屬親訊究追庶

國帑有着而交代得清矣等因呈詳到臣據此該臣看得藩司一官爲錢糧總漚其授受交代尤爲緊要今前任江蘇布政使劉開經收錢糧自

病故之後臣卽訪聞每多虧空隨嚴檄署司事  
江常鎮道叅議劉梅逐一查明據實回報檄催  
至再不遺餘力不謂該署司任催罔應終無確  
覆經臣會疏

題叅在案及新任藩司宋犖到任臣又節檄嚴查  
務將已故劉鼎任內交代經收一應錢糧有無  
侵挪徹底清釐造冊詳報去後又復計日行催  
今據該司布政使宋犖查明詳覆前來臣查司  
庫錢糧絲毫皆關

國帑乃已故藩司劉鼎虧空至三十六萬六千五  
十四兩有奇大千

功令除一面嚴飭該司審明侵挪實情并前任藩  
司陞授河南巡撫章欽文任內從前交代曾否  
清楚各情由一併確查造冊詳報至日會同江  
寧撫臣田雯另疏具

題外臣謹據詳先疏題

報伏乞

皇上睿鑒施行

題叅催追兵米遲延

為敬陳積逋兵糧亟請

題叅以彰

功令事據江蘇布政司布政使劉鼎詳稱切惟錢糧原為軍國重計而兵米尤關計授急需所以本司接篆之後諄諄告誡有司上緊設法徵貯按期解給以免庚癸之呼庶幾不負院臺軫恤兵艱之至意今本司通查各屬未完兵米除二十年以前并掛批欠補等米應於兵糧積欠案內另立年限叅追又康熙二十一二兩年民欠

南糧原撥二十二三年兵米尚應俟二十七八年分方始帶徵以及官役侵那虧空米石業經各該案內詳叅擬追另充別用俱於軍糈難緩案內查欸撥補造冊詳蒙江寧撫院咨達續奉部覆不允見於該案另詳定奪又官戶加徵撥補兵米近奉部文於欽奉

恩詔事案內奉

赦蠲免亦現在通查確數詳報豁免另請改撥統聽各該原案歸結外仍有江寧府屬江寧縣未完蘇州水師鎮標康熙二十六年兵米一千四百

四十石蘇州府屬未完提鎮各標營兵儲共米二萬四百九十四石六斗九升五合二勺九抄三粟九顆二粒四黍三稷二糠三批三糶內太倉州未完提鎮各營康熙二十一年并坍荒蠲缺兵米一千三百七石七斗一升一合六勺一抄九撮七圭四粟八顆三黍長洲縣未完撫提崇鎮各標暨福蘇各營康熙二十六二十一等年兵米五千七百九十五石一斗三升四合一勺一抄二撮八圭九粟九顆一黍八稷四糠六批吳縣未完蘇州太湖二營康熙二十六年



兵米九百三十一石八升一合九抄四圭七粟  
六顆三粒六黍八糠一粃吳江縣未完江南提  
標康熙二十六年兵米九百一十九石九斗五  
升八合三勺五抄六撮三圭六粟二顆五稷六  
糠三粃七糶常熟縣未完江南提標水師鎮標  
康熙二十一年兵米一千五百一十六石四升  
九合九勺二抄二撮七圭九粟五顆九粒三黍  
四稷六糠六粃崑山縣未完江提水師吳淞各  
標營康熙二十六二十五二十四二十一等年  
并坍荒蠲缺儲崇兵米一萬二十四石七斗六

升八抄七撮七圭五粟七顆八粒九黍三稷六  
糠六粃六糶常州府屬靖江縣未完福山江常  
等各營康熙二十五二十六兩年兵米二千六  
百一十石三斗九升六抄五撮四粟二顆七粒  
六黍以上未完米石俱關海疆戍卒計口軍糈  
本司竭蹶嚴督罔敢刻懈乃各屬冥頑不靈抗  
不照數全完解給惟以民欠徵輸不前爲諉則  
江寧府署印本府管糧同知趙世顯江寧縣見  
任知縣蔣毓祥蘇州府見任知府胡世威太倉  
州見任知州余瑞國長洲縣見任知縣徐弘炯

吳縣見任知縣宋晉聲吳江縣見任知縣趙琳  
常熟縣見任知縣楊振藻崑山縣見任知縣杭  
允佳常州府見任知府祖進朝靖江縣見任知  
縣黃起詔等督催承追不力之咎實所難寬相  
應照例開列職名造冊詳送院臺核明

題叅庶各屬知所做惕而兵丁亦免缺食之虞矣  
等因到臣據此除康熙二十年以前并掛批欠  
補等米應於兵糧積欠案內叅追又二十一二  
兩年民欠南糧原撥二十二三年兵米應俟二  
十七八年分帶徵以及官役侵那虧空米石業

經各該案內查叅擬追俱於軍糈難緩案內查  
款撥補續奉部覆不允見於該案查明另行咨  
部又宦戶加徵撥補兵米於欽奉

恩詔事案內奉

赦蠲免亦見在通查確數另請改撥統聽各該原案  
歸結外該臣看得江南提鎮各標營兵米關係  
巖疆軍需一經派撥自應依期解交以供支放  
乃州縣各官怠玩性成將節年未完米石抗不  
催追解給自臣莅任屢檄藩司嚴催不遺餘力  
今據布政使劉鼎詳覆仍有江寧府屬江寧縣

未完米一千四百四十石蘇州府屬太倉州未完米一千三百七石七斗一升零長洲縣未完米五千七百九十五石一斗三升零吳縣未完米九百三十一石八升零吳江縣未完米九百一十九石九斗五升零常熟縣未完米一千五百一十六石四升零崑山縣未完米一萬二千四石七斗六升零常州府屬靖江縣未完米二千六百一十石三斗九升零一任頻催並無顆粒解交則江寧府督催署印本府管糧同知趙世顯江寧縣承追知縣蔣毓祥蘇州府督催見

任知府胡世威太倉州承追見任知州余瑞國長洲縣承追見任知縣徐弘燭吳縣承追見任知縣宋晉聲吳江縣承追見任知縣趙琳常熟縣承追見任知縣楊振藻崑山縣承追見任知縣杭允佳常州府督催見任知府祖進朝靖江縣承追見任知縣黃起詔等催追不力之咎實難爲之寬也相應據詳

題叅聽部議處再查江寧縣知縣蔣毓祥已據江寧府呈報於本年九月十七日病故合併聲明除冊送部查核外臣謹會同江寧撫臣田雯合

詞具

題伏乞

皇上睿鑒勅部議覆施行

題叅屯田官弁

題爲特叅虐民最甚之屯官以昭法紀事竊照屯田一官新經添設雖少知謹飭間亦有人而罔利虐民竟成錮習更有市井無賴之徒一受屯田千總把總職銜遂敢橫行閭里魚肉鄉愚借屯肆惡大爲民累臣前次會勘河工道經淮安訪察真確是以首發其弊業將清河縣屯田縣丞丁理贛榆縣丞薛雋列欵入

告已經奉

旨革職究擬不謂仍有屯田官弁怙終不悛同惡相

濟贓私復籍民怨沸騰如宿遷縣屯田縣丞駱龍友屯田丁憂縣丞余宣屯田把總韓文廷海州屯田千總李永培者雖皆么磨小吏不足以污彈章而贓罪重大若非題叅究處何以雪民怨而昭

功令茲據署江蘇布政司事江常鎮道叅議劉梅江蘇按察司按察使李國亮淮徐道僉事常君恩淮揚道副使胡國佐淮安府知府單務孜各揭報劣款前來合以臣之察訪無異謹一一臚列爲我

皇上陳之

計開

淮安府宿遷縣屯田縣丞駱龍友劣蹟

一本官查丈元黃宇宙洪日月盈仄

辰列張等號田地並無河泊河灘

朦蔽上行將民間糧田不論是否

額外多餘之數每頃圈屯三十畝

揀擇肥田任意收割共圈田一千

五百餘頃其本年麥秋二季籽粒

盡行鯨吞錢糧仍累士民包納生

內江直道 卷之一 官弁  
員葉亦大王道陸治蕭馥遠民人  
李文彬李之贊審證

一本官於本年九十月內窺牛馬莊  
等處窮民在於山岡嶺下刈割草  
薪易賣度日本官架稱屯草不許  
採割嚇詐平分共詐牛馬莊司悟  
堰頭張山廟等處貧民草五萬束  
有零分賣肥已民人馬士蛟劉向  
忠等審證

一本官秉性殘忍每於查丈屯田時  
里民偶不如意輒行重責今秋收  
割秋禾口稱每頃止收三十畝窺  
秋成豐富任意多收里民劉向忠  
哀稟觸威痛責三十六板受害民  
人劉向忠審證

一本官差惡皂劉達韓鳳科歛各莊  
刀錢二十六千過付王一章潘中  
會證

一本官詐里民李春生稻九十石錢  
八千文肥已被害李春生證

淮安府宿遷縣屯田丁憂縣丞余宣劣蹟

一本官奉文查丈天倉地三字號河

泊河灘聽信屯田把總韓文廷圈

民田二百餘頃本年麥秋二季籽

粒本官盡行收去錢糧仍累民間

輸納有糧無地怨聲載道生員吳

子森蔡履元徐峻民人鄒子常張

倚顏民亮等審證

一本官召募附近居民領牛耕種屯

田每俱應給牛本銀八兩聽信屯

田把總韓文廷每兩加一五扣除

止給銀六兩八錢共牛六百餘俱

計算扣銀七百餘兩縣丞余宣把

總韓文廷分肥犁戶顧王穆萬茹

廷珍于夢熊顏名亮等審證

一本官窺宿遷縣北社葉枝高名下

糧田數頃內有桃栗菓園希圖侵

肥止給雜糧十餘石價銀不足十

兩一年滾算四十餘兩將田占種

有葉枝高於本年六七月內拆辦

銀四十兩取贖本官措勒不吐口  
稱阻撓屯田枝高畏懼躲避枝高  
妻子審證

一本官構串屯田把總韓文廷魚肉  
鄉愚每牛犁一張散蘆柴十二束  
時價每束銀一分五釐乃每束索  
銀三分又每牛犁一張散下棋小  
木頭十二株時價每株銀一錢六  
七分不等其柴木二項苛索銀一  
兩五錢有零給散犁戶二百餘家

共苛銀三百餘兩縣丞余宣把總  
韓文廷分肥犁戶顧玉穆萬茹廷  
珍于夢熊等審證

一本官酷刑苦拷里民王夫心侵尅  
牛價銀八十八兩以致窮民傾家  
敗產揭債賙補至今含冤本人王  
夫心證

淮安府海州屯田千總李永培劣蹟

一本官係海州西海所旗軍住居新  
堤鎮奉劄委千總私設書役軍牢



龍頭刀清道旗黃蓋梭板威嚇鄉  
愚嗣後查丈西鄉田地將民間有  
糧成熟田地圈作入屯其餘內有  
拋荒地畝反爲民田押令附近居  
民領牛耕種其牛價奉上行每俱  
給銀十兩永培內扣銀五錢管家  
李能扣銀一錢屯長樊華甫等扣  
銀一錢止給銀九兩三錢共牛一  
百俱計算扣尅銀七十兩徐標顏  
文耀唐木匠董貴徐樓孟可訓相

林全張瑞清等審證

一本官查丈新坝上房高墟平明南  
榴駝峯白塢埠王家溝高橋等十  
鎮田地構串腹戚張舅爺名應姓  
住居山陽縣地方每鎮索詐錢七  
八千文不等計算十鎮詐錢七十  
餘千有鎮民張起寰穆顯吾李龍  
池等證

一本官給發麥種大麥每頃六石四  
斗小麥三石二斗無論收多收少

兩江通志 卷之十一 官弁  
責令包賠每頃照新填鎮大斗大  
麥四十石小麥二十石如少撥比  
以致民不堪命怨聲載道有鎮民  
徐必遷印朝柱顏文耀唐木匠陳  
舉等證

一本官借秋禾豆稻未奉上行播種  
乘機票查每鎮索稻一百秤無稻  
折錢六千文十鎮共索錢六十千  
朱起朋徐必遷董貴伏明貢徐五  
甫孟可訓相林全張瑞清等證

一本官於本年四月內借稱奉委上  
任名色需索十鎮各屯戶賀禮每  
名錢二百文共賀禮二百餘分計  
算索錢四百餘千張起寰伏明貢  
徐標唐木匠印朝柱等證

以上各官賦性貪婪居心殘忍或指圈屯而侵  
吞籽粒或借牛種而扣尅銀錢或占種民田指  
勒不吐或派散柴木索銀分肥聽信蠹役文武  
勾通酷刑逞威怨聲載道所當特疏糾叅請

旨將駱龍友余宣革職韓文廷李永培革去把總千

總與有名蠹犯一併提問究擬者也臣謹會同  
總河督臣靳輔總漕督臣慕天顏江寧撫臣田  
雯合詞具

題伏乞

皇上睿鑒施行

題叅承查焚燬司署冊籍遲延

題爲奏銷核造將竣等事案於康熙二十六年六  
月二十五日准戶部咨開江南清吏司案呈奉  
本部送戶科抄出江撫趙士麟題前事等因康  
熙二十六年五月初十日題本月二十六日奉  
旨該部知道欽此欽遵於本月二十七日抄出到部  
奉此該臣等查得江寧巡撫趙士麟疏稱康熙  
二十五年分地丁等項錢糧奏銷冊籍臣夙夜  
經營方得次第核定發司不意五月初二日忽  
有司署附近居民失火將奏銷底冊延燒殘缺

勢須重造但督臣一經入境臣卽應將撫篆移交署理卽日啓行恐臣任內難以奏

報飭令藩司造送接任撫臣奏銷合先題明等因前來查該撫旣稱奏銷底冊延燒重造任內難以奏

報等語相應請

勅該督查明失火緣由并令接任巡撫作速奏銷可也等因康熙二十六年六月初一日題本月初三日奉

旨依議欽此抄部送司奉此相應移咨案呈到部移

咨到臣准此除康熙二十五年分地丁等項錢糧冊籍已經咨移江寧撫臣田雯照案

奏銷外該臣看得司署延燒一案准部覆請

勅臣查明失火緣由臣隨欽遵檄行江蘇布政司查報續催據該司布政使劉鼎詳覆前來臣思失火延燒司署焚燬冊籍甚多當查詳內登答多有未明而該司劉鼎旋報病故因事關重大隨又批令署司事江常鎮道叅議劉梅再加確查去後屢檄飭催未據回覆查此案於本年六月二十五日准到部咨應扣至十月二十四日例

限已滿迄今逾限將及一月仍不詳報則承查  
遲延之咎不能爲署江蘇布政司事江常鎮道  
叅議劉梅寬也相應指叅聽候部議臣謹具

題伏乞

皇上睿鑒勅部議覆施行再照此案註語部文原未  
全列合併陳明

題叅承追侵庫遲延

題爲特叅互訐多贓之守令以肅官方事據安徽  
布政司布政使柯永昇詳稱案奉前任總督王  
部院牌開康熙二十五年十一月二十三日准  
刑部咨開江南清吏司案呈奉本部送准戶部  
咨稱江督王新命疏稱守令互訐案內故役巴  
士榮侵盜庫銀九百兩應於伊子巴順生名下  
照追今一年之限已滿仍未追完則承追不力  
之歙縣現任知縣靳治荆等相應照例題叅等  
因具題奉

旨新治荆等着議處具奏該部知道欽此查承追限滿議處文職事隸吏部相應將原抄咨送吏部議覆其巴士榮名下未完銀兩相應仍行該督作速追完報部可也等因移咨到部院牌行到司奉此又奉牌開康熙二十五年十一月二十五日准戶部咨開江南清吏司案呈查得江督王新命咨稱守令互訐案內知府林國柱勒借知縣朱之生縣庫等銀共二千七百二十四兩俱應追還朱之生懸空歛縣庫項錢糧等因分晰已未完數目咨報前來查原報已完林國柱

勒借朱之生縣庫銀一千七百七十四兩四錢本部已經登記應同今報續完曹二名下銀四十九兩六錢并巴順生名下已完銀三百兩一併彙行解部查九月內九卿會議凡侵那錢糧俱交刑部行追其未完銀六百兩應令該督報明刑部可也等因案呈到部移咨到部院備行到司奉此隨經本司檄行徽州府并歙縣將巴順生未完銀六百兩作速嚴追完報去後復又計日督催今據該府詳稱查得巴順生之父巴士榮乃係歙縣庫吏因在日經收倉米堆貯無

方朽爛賠補侵用庫銀九百兩士榮旋卽物故  
是以審於其子巴順生名下追補屢經嚴行比  
追先已搜變田房完交銀三百兩起解司庫外  
餘銀六百兩前因追比無完乃蒙將承追各官  
題叅今又嚴檄勒比止據查有零星家伙等物盡  
數變賣完銀九十六兩存貯縣庫另文起解仍  
未完銀五百零四兩遵奉日加嚴比奈順生果  
係父亡產盡力不能完請援

赦題豁理合具文請賜轉詳等因據此該本使司查  
得守令互訐案內巴順生名下應追伊父侵用

銀兩從前審擬時原據供認情願變產完補是  
本犯原有家產可以勘變該府縣職專承追自  
當嚴加搜變完解乃任催至今輒將仍該未完  
銀五百零四兩混以產盡無追援

赦請免殊屬欺朦除一面駁行該府縣速將本犯家  
產嚴加搜變務遵照數全完解報外惟是此案  
銀兩承追一年之限已滿乃止據報完銀九十  
六兩其餘未據追完則承追歙縣見任知縣靳  
治荆督追徽州府署印安慶府通判謝璽并見  
任知府朱廷梅怠玩之咎難寬相應開列職名

詳請院臺

題叅至奉戶部催解林國柱已完銀一千七百七十四兩四錢已經本司於康熙二十五年十一月初十日差委寧國府南陵縣縣丞石起運領解戶部交納掣獲批收在案其曹二銀四十九兩六錢巴順生銀三百兩見存司庫俟有便員卽行彙搭起解外合併聲明等因到臣據此除林國柱名下已完銀一千七百七十四兩四錢已經解交戶部并見存司庫之曹二名下完銀四十九兩六錢巴順生名下完銀三百兩以及

續經追完銀九十六兩統令催解藩庫有便員起解仍一面批飭該司將巴順生名下未完銀五百四兩星速嚴追完報外該臣看得守令互訐案內有故役巴士榮侵盜庫銀九百兩應於伊子巴順生名下照追先經追完銀三百兩尚有未完銀六百兩因一年限滿經前督臣王新命將承追各官

題叅部覆未完銀兩仍行該督作速追完報部等因隨經前督臣王新命檄行安徽布政司查追完報去後自臣蒞任節經計日嚴催不遺餘力



今一年之限又滿止據報追完銀九十六兩尚  
該銀五百四兩仍未追完則承追歛縣見任知  
縣靳治荆督追徽州府署印安慶府通判謝璽  
督追徽州府見任知府朱廷梅怠玩之咎均不  
能為之寬也相應據詳

題叅聽部議處臣謹具

題伏乞

皇上睿鑒勅部議覆施行

